



UNIVERSITÄTS-
BIBLIOTHEK
PADERBORN

**R.P. Lvcae Pinelli, Societatis Iesv Meditationes De
Sanctissimo Eucharistiæ Sacramento, Et præparatione ad
sacram communionem**

Pinelli, Luca

Coloniæ Agrippinæ, 1603

XI. Meditatio. De homine deuoto cui Christus in vltima cœna fauorem
suum exhibuit. Pvncta Meditationis.

[urn:nbn:de:hbz:466:1-59560](https://nbn-resolving.org/urn:nbn:de:hbz:466:1-59560)

eum indignè tua culpa, mera ignauia est, quæ illi iniuriam, tibi pœnam conciliat. Rectius ergo feceris, si imiteris exemplum pauperis rustici, qui intelligens Regem velle quiescere in domo sua, omnia remouet, quæ oculos regios offendere possint, totamq; domum diligenter expurgat. Et quamuis eam non exornare queat pro tanti hospitis dignitate, tamen facit, quantum potest, ad dignè eum recipiendum. Deinde magna festinatione Regi obuiam procedit, magna lætitia eum in domum suam recipit, & intimo affectu pro tanto favore sibi præstato gratias agit. Si ergo pro Domino terreno tanta fiunt, quid facies o anima mea regi cœlesti, qui venit non ut tuo sumptu viuat, sed ut sua tibi imperet? labora igitur in expurganda & ornanda tui cordis domo, nam ante suum aduētum præmittit certum hominem, qui peristromatis exornet cubiculum in quo est versaturus, & in aduentu suo dicet tibi: *Tota pulchra es amica mea, & macula non est in te.*

XI. MEDITATIO.

De homine deuoto cui Christus in vltima cœna fauorem suum exhibuit.

PUNCTA MEDITATIONIS.

MEDITATIONES.

49

1. IMAGINARE, te fuisse Hierosoly-
 mis, quando à Christo nobile hoc sacra-
 mentum fuit institutū, singulari q̄; fau-
 re te ab eo per Apostolum quendam in-
 uitatum, vt tanto mysterio præsens ad-
 esses. Considera ergo, quanto gaudio ex-
 ultatura fuisset anima tua hoc nuncio,
 quamq̄; celeriter omnibus negotijs post
 habitis eò excursurus fuisses.

2. Imaginare, simulatq; ad cœna-
 culum venisti, Dominum tibi pedes la-
 uisse, & defluentibus in eos lachrymis
 dixisse: Hoc facio, ad eluendas varias no-
 xas in tuū creatorē, ambulando per vias
 iniquas, commissas. Lauo te quoq; ob la-
 bores, quos mei amore in via spirituali
 tolerabis. Considera quot lachrymas
 profudisses, quantum in te ipso pudefa-
 ctus fuisses, quale propositum fecisses
 diuinæ voluntatis in reliqua vita perfici-
 endæ.

3. Imaginare denique, quomodo
 postea te iusserit mensæ accumbere, con-
 iectisque sæpius in te amore plenissimis
 oculis dixerit. Ego te tantis beneficijs
 præueni; deinceps autem cumulabo
 maioribus, tantum perseuera in mea di-
 lectione. Considera qua modestia in
 sacra illa mensa vsurus fueris, quanta
 attentione diuina IESV verba exceptu-
 rus,

C

rus, quale propositum eius consilijsparendi factururus, ac denique quanta deuotione fueris communicaturus.

FRUCTVS.

FRUCTVS huius XI. Meditationis erit, Domino ex corde agere gratias, roga reque ne te sinat mori ingratum.

COLLOQVIVM.

DOMINE sicut dubium non est illum futurum fuisse excessum amoris & fauoris, ad quem etiam angeli obstupescere potuissent, ita certum est, me etiam obligatissimum futurum fuisse, non tantum ad percurrendam omnium mandatorum consiliorumque tuorum viam, verum etiam ad vitam amore tui profundendam. Verum tunc neque prestantiorem cibum, neque donum nobilius mihi impertisses, quam nunc impertis in sancto tuo altari. Nam in hac exigua hostia, quae mihi porrigitur mirabiliter recondita latet & diuinitas, & anima, & humanitas tua. Si igitur donum idem est, & ex valore doni nascitur obligatio, quis non videt me tibi benefactori meo esse obligatissimum? Quis non videt, me ingrattissimum, aut omnino stultum fore, si tam singularem fauorem non agnoscam? *Aperi te cor, & demon.*

MEIDTATIONES. 51

demonstra quo vinculo redamanda-
 mantem tui IESVM sis obstrictus. O
 Deus, quam dissimiles sunt rationes a-
 gendi tuæ, ab illis Principum huius sæ-
 culi. Rex Ezechias vt legatis Babylonij *4. Reg. 20.*
 regis magnam demonstraret beneuo- *Isai 39.*
 lentiam, omnes suas opes & thesauros
 illis ostendit, nihil tamen ex illis donans.
 At tu Domine non solum opes tuas o-
 stendis, verum etiam liberaliter nobis ex
 illis dona cœlestia, imò & te ipsum com-
 municas. O amor, O liberalitas. Equi-
 dem non video eor meum, quem ad mo-
 dum compensare possis tantam beneuo-
 lentiam, nisi totum te tradas amori tui
 conditoris; neque enim fieri potest, vt a-
 mando duobus Dominis seruias, sicut *Mat. 6.*
 fieri non potuit, vt in eodem templo i- *Luc. 16.*
 dolum Dagon, & arca Dei consisteret. *1. Reg. 5.*
 Declara itaque cui te adiungere & dede-
 re totum velis, num tuo IESV, qui prius
 se tibi tradidit nascendo in socium & du-
 cem, moriendo in pretium, mensæ accū-
 bendo in cibum, & demum in cœlo tra-
 diturus est in præmium, an vero, obliga-
 tionis tuæ erga ipsum immemor, malis
 te tradere amori creaturæ? Eheu, nimis
 ingratus eris Deo, si te amori creaturæ
 prostituas, nimis duram inibis seruitu-
 rem, iacturamq; nominis tui facies, si te

C 2 amor

amori alicuius creaturæ sub miseris. Recordare cor meum, nos creatos esse ad amandum & colendum DEVM. Recordare nos saluatoris nostri gratia, ac huius cibi coelestis beneficio factos Dei filios, & diuinitatis suæ consortes: non igitur rationi consentaneum est, vt te facias vani huius mundi seruum, aut amorem tuum in aliquam transferas creaturam, cum nulla earum, sed nec omnes simul iunctæ possint animum tuum tranquillare. Quære modò, quicquid libuerit: nihil inuenies quod te satiet. nec vnquam acquiesces, nisi amando sedem figas in eo, qui te creauit.

MEDITATIO XII.

Sumpta ex historia de Zachæo

Luc. c. 19.

PUNCTA MEDITATIONIS.

In prima parte, que continet historiam.

1. ZACHÆVS cupidus | videndi
Luc. 19. CHRISTVM, cum, vt erat statura pusillus multitudine populi ab eius conspectu impediretur, ascendit in arborem, vbi CHRISTVS erat transiturus.

2. CHRISTVS transiens misericordibus oculis suis in Zachæum coniectis dixit: *Zachæe festinans descende, quia hodie in domo tua oportet me manere.*

1676.